



Blicnet d.o.o. Banja Luka
Vuka Karadžića 2
78000 Banja Luka, BiH
T: +387 51 921 950
F: +387 51 921 922
office@supernovabih.ba
www.supernovabih.ba

U Banjaluci održan Smart City Forum

Kompanija Supernova u saradnji sa Bit Alijansom, organizovala je Smart City Forum, koji je održan 17. decembra u prostorijama Privredne komore Republike Srpske u Banjaluci.

Ovaj značajan događaj okupio je veliki broj stručnjaka iz oblasti digitalne transformacije, predstavnike lokalnih samouprava, obrazovnih ustanova, IT kompanija i međunarodnih organizacija, s ciljem razmjene ideja, iskustava i rješenja za unapređenje pametnih gradova u BiH i regionu.

"Inovativna rješenja za pametne gradove: Digitalna transformacija urbanih sredina i pomoć lokalnih agencija, ministarstava i EU partnera. Uloga javnog i privatnog sektora za cjelokupan eko sistem", bila je tema prve panel diskusije. Jedan od zaključaka ovog panela je da su potrebna jednostavna pametna rješenja koja prate stil života građana, uz korištenje najboljih praksi i uspješnih modela iz regiona.

Nakon panel diskusije, Zoran Jakovljević, project manager GIZ-a u Srbiji, podijelio je iskustva iz implementacije digitalnih projekata finansiranih od strane EU partnera.

Zatim je uslijedila prezentacija „Smart building“ kompanije m:tel, u okviru koje je pružen uvid u najnovija tehnološka rješenja i inovacije iz oblasti pametnih zgrada.

Druga panel diskusija održana je pod nazivom "Sinergija za digitilizaciju, IKT i pametne gradove: Nauka, inovacije i tehnologije. Uticaji DIH-a u BiH", na kojoj su učesnici poručili da je uz unapređenje znanja potrebno razvijati i stvarati dodatne vrijednosti koje će omogućiti veću ekonomsku dobit i ostvarivanje profita koji direktno doprinosi lokalnom razvoju.

Na Smart City Forumu upriličeno je i potpisivanje Sporazuma o partnerstvu između Gradske razvojne agencije grada Banja Luka (CIDEA) i [Supernove BiH](#).

Ovaj događaj je još jednom potvrdio značaj saradnje i razmjene iskustava i znanja između svih aktera društva u kreiranju održivih i inovativnih rješenja za pametne gradove, s ciljem poboljšanja kvaliteta života i razvoja lokalnih zajednica.

